



Phedzero Lakubulukira Kudzulu

**La Kulembwa
Na Watson Goodman**

**Bukhuli Njapezi
Nee Ku Guliswa**

PHEDZERO LAKUBULUKIRA KUDZULU

“PHEDZERO LAKUBULUKIRA KUDZULU” na mavisikulo a malemba akupakwa mwakundendemera na mafala ache, kubulukira m’Bibilia. Ndisanyinda kuti kuthimizira kuna mphamuu ya malemba ndiyo Bibilia.

Mafala a Mulungu abulukira kudzulu mbwenye asa phedza mitima yakumua njala na nyota ya kulungu ma. Penedo munthu angaphinduka ntima, mbaleka pyaku dawa pyache, mbachemera mbuya Yezu Khristu kuti akhale mu ntima mwache, mbanyinda na ntima wache, onsene muna Yezu Khristu ninga mpulumusi wache, mbuya asaonesera yekhanene kuna nyakunyinda mbapasa ntendere na kunsadzaya kuna iye. Izi ndidadi ona mu 1937, mbwenye kubulukira penepo sidaleka tayu chimuerand chakudzuozumisa cha muna mbuya. Nakuchimbiza kuti mugonjere kuna iye mchimchino kuti akhale mbuya na npulu musi wanu ngati mbamuoziati kugonjera kale tayu kufuna iye.

—Watson Goodman (1920-2002)

Mbwenye Khristu atifera, pik-
hakhala ife anyamalwa a Mulun-
gu! —Aroma 5:8

Ipyo pyonsene mbapichitwa,
ikhadafika ntsiku yakugonesera
phwando ya Paskwa. Yezu akhad-
ziwa kuti wakwana ndzidzi wache
wa kubuluka pantsi pano mbaen-
da kuna Baba. Akhadafunafuna
anthu akhali pantsi pano, mbaa-
funa mpaka kumalisa basa yache.
—Juwau 13:1

Na kwa Yezu Khristu, mboni
wakukhulupirika na wakutoma
adalamubswa muli akufa mbaton-
ga amambo a pantsi pano. Khri-

stu asatifuna! Atichololera chiropa
chache, towera atipulumuse m'-
madawo athu. —Chidziwiso 1:5

Mulungu afuna anthu a pantsi
pano pikulu pyene mbaapasa
Mwana mbodzi ekha. Chinchino
anthu onsene anakhulupira Mwa-
na wa Mulungu, hanataika tayu,
mbwenye anakhala na moyo wa-
kukhaliratu. —Juwau 3:16

Anakhonda kufuna, hanadziwa
Mulungu tayu, thangwi Mulungu
ndi kufuna. Kutifuna kwache Mu-
lungu kwapangizika tenepa: atu-
ma Mwanache mbodzi ekha pant-
si pano, towera thangwi ya iye ati-
pase moyo upswa. —1 Juwau 4:8, 9

Pa kutoma, Mulungu mbadzati kuchita pyonsene, akhali kale ule anachemerwa Fala. Akhali kwa Mulungu; akhali sawasawa ninga Mulungu. Ule anachemerwa Fala, achitika munthu mbakhala pakati pa ife. Ife taona mbiri yache na ukulu wache wachimulungu, ukulu ule udapabswa Mwana mbodzi ekha na Baba. Mwa iye Mulungu atipangiza udidi wache wonsene na chikhulupiriko chache chonsene. —Juwau 1:1 na 14

Na ipi pyonsene pyachitwa pidalonga Mbuya kale na mulomo wa mprofeta Yesaya kuti: mwali anakhala na mimba mbabala mwana wachimuna anachemerwa Emanu-

weli. Dzina yeneyi n'Chisena ndiko kubveka: Mulungu anakhala na ife. —Mateyu 1:22, 23

“Ine na Baba ndife chinthu chibodzi chene.” —Juwau 10:30

Yezu antawira; “Iwe, Filipi, ndakhala na imwe ntsiku zizinji zene, iwe udzati kundidziwa tayu? Anandiona ine pano, amala kumuna Baba. Unakwanisa tani kulonga: tipangizeni Baba? Hunatawira tayu kuti unagumana Baba muna ine? Pidalonga ine kuli imwe mwonsene, si pyanga tayu; mphya Baba anakhala mwa ine mbachita na ine ipi pyonsene.”

—Juwau 14:9, 10

Anadzindikira kuti Yezu ndi Mwana wa Mulungu, ana Mulungu mwa iye mbakhala iyembo mwa Mulungu. —1 Juwau 4:15

Anju antawira: “Nzimu wa Mulungu unakudzera, mphambvu zache zinakugwera ninga chinthunzithunzi. Thangwi ya ipyo mwana anabala iwe, anachemerwa wadidiretu na Mwana wa Mulungu. —Luka 1:35

Iye mbadzati kumala longa, penepo pene paoneka khole yaku-yetima padzulu pawo, mbibveka nkati mwache fala ikhalonga: “Uyu ndi Mwananga wa pa ntima. Ndiye anakomeratu kuna ine. Mbvereni!” —Mateyu 17:5

Iye antawira: “Mbuya, munga-ndipanga kuti ndiye ani, ndinafuna kunkhulupira.” Yezu alonga kuli iye: “Wamuona kale; ndiyene analonga na iwe!” —Juwau 9:36, 37

Khristu ndi Mbuya wa mphambvu zonsene za kudzulu.

—Akolose 2:9

“Ine, Mulungu andisankhula mbandituma pantsi pano. Mphapo, munalonga tani kuti ine ndaxola Mulungu na kulonga kuti ndine Mwana wa Mulungu? Pinachita ine pingakhonda kukhala mabasa a Baba wanga, hapinafunika tayu kuti munditawire.”

—Juwau 10:36, 37

Yezu aatawira: “Imwe ndimwe a pantsi pano, mbwenye ine ndine wa kudzulu. Ande, imwe ndimwe a pantsi pano, mbwenye ine nkhaba!” Yesu aatawira: “Ndimwene, ndinakupangani kuti: INE NDINENE, Abaramu mbadzati kubalwa!” —Juwau 8:23 na 58

Nkazi alonga kuli Yezu: “Ndisa-dziwa kuti anabwera Mpulumusi wakupikirwa. Angabwera, anatitchululira pyonsene.” Yezu antawira: “Uli kulonga na iye! Ndine!” —Juwau 4:25, 26

Penepo Yezu atoma kulonga pontho mbati: “Nditawireni: ine ndine nsuwo unapita na mabira.” —Juwau 10:7

Yezu aatawira: “Ine pano ndine nkate unapasa moyo! Anadza kuna ine, hanabvabve njala tayu. Anandikhulupira hanabvabve nyota tayu.” —Juwau 6:35

“Ine mbandiri pantsi pano, ndine cheza cha pantsi pano.” —Juwau 9:5

Yezu antawira: “Ine pano ndinapasa anthu kulamuka na moyo! Anandikhulupira, ankhala maso, maseze angamala kufa!” —Juwau 11:25

Yezu antawira: “Ine ndine njira, ine ndine pyamaso, ine ndine mbo moyo. Nkhabe munthu mbo-dzi anafikira Baba, angakhonda kuenda na pana ine!” —Juwau 14:6

Penepo Yezu aakhalisa anthu onsene pantsi, n'thongwe, akwata mapau maxanu na nyama ziwiri za m'madzi, ayaŋgana kudzulu, achita Mulungu takhuta, amenya mapau, mbaapasa anyakupfundzache, towera aagawire anthu. Onsene adya mbakhuta. Penepo anyakupfundza alokota pidasala, mbadzaza napyo pitundu khumi na piwiri. Amuna okhaokha akhadadya, akhali duzi na pikwi pixanu; akazi na ana nkhaba kulengebswa tayu. —Mateyu 14:19-21

Simoni antawira: “Mpfundzisi, masiku onsene taphuphuta na kuphata basa cherwe mbatimanga chinthu tayu. Mbwenye tha-

ngwi mwapilonga ndimwe, ndinagwisira pontho makokota.” Iwo achita tenepa mbamanga nyama zizinji zene, makokota mbatoma kuthumuka. —Luka 5:5, 6

Mbali mwa njira mukhakhala aboliboli awiri. Pidabva iwo kuti Yezu ali kupita, atoma kukhuwa: “Imwe, Mbuya, Mwana wa Davidi, tibvereni ntsisi!” Penepo Yezu aimira, mbaachemera na kuabvundza: “Munafunanji? Ndikuchitireninji?” Iwo antawira: “Mbuya, tinafuna kuona pontho.” Yezu aabvera ntsisi mbakhuya maso awo. Penepo pene iwo akwanisa kuona pontho mbantowera Yezu.

—Mateyu 20:30 na 32-34

YEZU KHRISTU NDIYE NYAKUBALA PENU NYAKUSASANYA NA MBUYA

Thangwi ya iye Mulungu achita pyonsene pya kudzulu na pyapantsi. Hadachita na iye pinthu pyakuoneka basi tayu; achitambo na iye aanju onsene akukhonda kuoneka: ambuya, na anyakutonga, na anyamphambvu. Pyonse-ne, Mulungu apichita na iye na kuli iye. —Akolose 1:16

Pinthu pyonsene pyachitwa na iye. Nkhabe chinthu chinango chidakhonda chitwa na iye.

—Juwau 1:3

Thangwi Khristu afa mbalamuka pontho muli akufa, towera akhale Mbuya wa amaso na wa akufa. —Aroma 14:9

Onsene mbabvekese kuti Yezu Khristu ndi Mbuya, towera Mulungu apabswe mbiri. —Afilipi 2:11

Kalene Mulungu . . . Mbwenye chinchino, pa ntsiku zakumalisa, alonga kuli ife na mulomo wa Mwanache. Ndiye adachita na Mulungu pyakudzulu na pyapantsi. Ndiyembo adasankhulwa na Mulungu, towera akhale Mbuya wa pinthu pyonsene.

—Aheberi 1:1a, 2

“Na tenepa anthu onsene a ku Israyeli mbadziwedi kuti Yezu uyu adakhomera imwe pa ntanda, Mulungu ankhalisa Mbuya na Mpulumusi!” —Machitiro 2:36

Munalongeranji mphapo kuti mbale wanu adawa? Peno muna-mpwaziranji? Ife tonsene tinakhala ntsiku ibodzi pa maso pa Mulungu, towera iye atonge miseru yathu.

—Aroma 14:10

Pa maso pa Mulungu na pa Yezu Khristu anatonga milando ya anthu onsene amaso na akufa angabwera iye dzakhala Mambo.

—2 Timoti 4:1

“Mwanamunthu angabwera towera akhale mambo, anaperekerwa na aanju onsene mbakhala pa mpando wache wambiri. Pene-po anthu a ku madziko onsene anagumanyibzwa pa maso pache; iye anagawa misoka miwiri ninga

nkumbizi anapambula mabira pa mobokho.”

—Mateyu 25:31, 32

“Pontho: Baba hanatonga milando ya anthu tayu. Mphambvu zache zonsene za kutonga milando, azipasa Mwana.”

—Juwau 5:22

Ipi pyonsene pinaoneka pa kwecha ntsiku inatonga Mulungu milando ya anthu, mbaapangiza pyakubisala pya mu ntima mwawo. Ndizo mphangwa zidandipasa Yezu Khristu.

—Aroma 2:16

“Mbatipangwambo kuti tiendere anthu na Mphangwa Zadidi, mbatichita umboni kuti Mulungu ampasa Mphambvu za kutonga miseru ya anthu onsene ali maso na akufa.”

—Machitiro 10:42

Ine ndine nsuwo. Anapita na pana ine, anapulumubswa; anapita, anabuluka, anagumana thongwe. —Juwau 10:9

Yezu antawira: “Ine ndine njira, ine ndine pyamaso, ine ndine mbo moyo. Nkhabe munthu mbo-dzi anafikira Baba, angakhonda kuenda na pana ine!” —Juwau 14:6

“Thangwi ya ipyo ndalonga kale kuli imwe kuti: ‘Munataika thangwi ya madawiro anu!’ INE NDINENE. Mungakhonda kupitawira ipi, munataika thangwi ya madawiro anu.” —Juwau 8:24

Onsene adawa mbataya pya mbiri ya Mulungu pikhadasanghulirwa iwo. Mbwenye Mulungu

aabvera ntsisi mbaatambira pontho pa pezi na nkhombo zache. Thangwi ya Yezu Khristu atipulumusa m'mphambvu za madawo.

—Aroma 3:23, 24

Na tenepa iye anakwanisa kupulumusiratu anthu onsene anafendezera Mulungu na uphezi wache. Thangwi iye anakhala ntsiku zonsene, towera aalongere miseru yawo kuli Mulungu. —Aheberi 7:25

“Thangwi Yezu Khristu ndi mpulumusi wathu mbodzi basi! Mulungu adziwisa anthu a pantsi pano ponsone dzina yache basi ina mphambvu za kuapulumusa. Nkhabe dzina inango!”

—Machitiro 4:12

Mbwenye imwe, Mulungu akuchemerani, towera mugumanyikane na Yezu Khristu. Ndiye udziwisi wathu udabuluka kwa Mulungu. Thangwi ya iye tinatambirwa na Mulungu. Thangwi ya iye Mulungu atikhalisa mbumba yache mbatipulumusa m'madawo athu.

—1 Akorintu 1:30

Ndiye adapasika kuli ife. Ndiye adatipulumusa napyo m'pyakui-pa pyonsene mbatichenesa, towera tikhale mbumba yache yakuwangisira kuchita pyadidi.

—Titu 2:14

Akhaimba nyimbo iyi ipswa: “Ndimwe wakukwanisa kukwata

bukhu na kukhumula pidzindikiro pyache. Thangwi mwaphiwa mba-muombola anthu na kupereka ntsembe ya moyo wanu, anthu a madzindza onsene na a malongero onsene na a mbumba zonsene na a ku madziko onsene.”

—Chidziwiso 5:9

“Mwanamunthu abwera, kudzasaka anthu adataika, towera aapulumuse.”

—Luka 19:10

Khalani na kufunana. Kumbukani kufuna kudakupangizani Khristu. Iye apasa moyo wache thangwi ya ife mbaupereka ninga ntsembe yakukomadi kuli Mulungu.

—Aefesu 5:2

10 CHIMVERANO CHA CHIROPA CHA KHRISTU

Chinchino na kukhala anthu adambirwa na Mulungu thangwi ya kufa kwa Khristu, makamaka tinapulumbuswa na Khristu m'pya ukali wakutsogolo wa Mulungu.

—Aroma 5:9

Thangwi na kufa kwa Khristu ife tapulumubswa mbatipabswa kulekerwa kwa madawo athu.

—Aefesu 1:7

Mbwenye tingakhala mu cheza sawasawa ninga munakhalira Mulungu mu cheza, tinakhala na kugumanyikana; penepo chiropa chidatichololera Mwanache Yezu, chinatipulumusa m'madawo onsene.

—1 Juwau 1:7

Mbwenye chiropa cha Khristu china mphambvu zikulu maka kupita cha pifuyo! Thangwi Khristu wakudzala na Nzimu wa Mulungu adziperekeka kuli Mulungu, towera akhale ntsembe yadidiretu. Chiropa chache chinachenesa mitima yathu m'madawo onsene, towera tikhonde kuchita pontho pire pinapasa kufa, mbatitumikira Mulungu anapasa moyo.

—Aheberi 9:14

Mbwenye chinchino pano tasekera pikulu pyene na kudziwa kuti Mulungu anakhala na ife thangwi ya Mbuyathu Yezu Khristu adatichita axamwali ache Mulungu.

—Aroma 5:11

Mulungu mphapo atitambira thangwi ya kunkhulupira kwathu. Chinchino takhalika mu ntendere mwache thangwi ya Mbuyathu Yezu Khristu. —Aroma 5:1

“Ungakhulupira Mbuya Yezu, unapulubswa pabodzi na nathu onsene a pa nyumba yako.”
—Machitiro 16:31b

Thangwi ana onsene a Mulungu anakwanisa kukunda pya pantsi pano. Na kutawira kwathu tamala kukunda pya pantsi pano.
—1 Juwau 5:4

Ande, mwapulumubswa na nkho-mbo zache zokha basi thangwi ya kunkhulupira kwanu Mulungu. Mudapulumubswa na mphambvu

zanu tayu; thangwi na kukhulupira kwanu kwene ndi muwoni udakupasani Mulungu pa pezi! Na tenepa nee munthu mbodzi ana chinthu chakugaya nacho.

—Aefesu 2:8, 9

Penepo iwo ambvundza: “Tichitenji, towera kuchita pinafuna Mulungu?” Yezu aatawira: “Mulungu asafuna chinthu chibodzi basi kuti munkhulupire uyu adatumwa na iye.” —Juwau 6:28, 29

Mbwenye ipi pyonsene pyalem-bwa, towera mudzindikire kuti Yezu ndi Mwana wa Mulungu, Mpulumusi wakupikirwa. Mungankhulupira, munakhala na moyo thangwi ya iye. —Juwau 20:31

Mbatisimbeni Mulungu, Baba-che Mbuyathu Yezu Khristu. Ndiye Baba wantsisi kakamwe na Mulungu anatiwangisa midzidzi yonsene. —2 Akorintu 1:3

Ife ene tikhadachita pinthu pyadidi tayu; mbwenye Mulungu atibvera ntsisi mbatipulumusa. Na madzi a batismu Nzimu wache wadidiretu watibala pontho mbutichita anthu apswa. —Titu 3:5

“Mwanamunthu abwera dzapulumusa anthu akutaika. Imwe, munanyerezzeranji? Munthu angakhala na mabira dzana ibodzi, anachitanji angaitaya ibodzi yawo? Kodi, hanasiya tayu mabira and-

zache makumapfemba na mapfemba pa nterero wa phiri mbaisa-ka ire idataika? Andedi! Ndinakupangani kuti angaigumana, anakomerwa nayo pikulu kupita na andzache makumapfemba na mapfemba adakhonda kutaika. Sawasawa anachita Baba wanu wa kudzulu: iye hanafuna tayu kuti mbodzi wa anthu awa aŋgono ataike pyache.” —Mateyu 18:11-14

Mbatifendezeni mphapo na chipapo pa mpando wa Mulungu wantsisidi. Penepo tinapabswa kulekerwa mbatigumana nkhombo midzidzi yonsene inafunika ipyo kuli ife. —Aheberi 4:16

MULUNGU ASATICHEMELA TIBWERE KUNA IYE 13

Nzimu na nkazache Mwanabira alonga: “Bwera!” Onsene anapibva, alongembo: “Bwera!” Ana nyota, abwere; anafuna kumwa madzi amoyo, anaapabswa pezi.

—Chidziwiso 22:17

Pidafika ntsiku yakumalisa na ya ikulu kakamwe ya Phwando, Yesu akhaimira n'templo mbalonga kuli anthu: “Ana nyota, mbadze kuna ine, amwe!” —Juwau 7:37

Yezu na kuona ipi asiribzwa, mbapanga anyakupfundzache: “Lekani kuthawisa ana tayu! Adze kuna ine! Thangwi Dziko ya Mulungu nja anthu anakhala ntinga iwo.”

—Marki 10:14

“Imwe mwonsene musabzwan-dwa na mitolo ya matongerero adakuthukani anyamwambo. Bwera ni kuna ine! Ine ndinakutulani mitolo.”

—Mateyu 11:28

Pidakwana ntsiku ya kudya phwando, atuma mbandazi wache kaapanga kuti abwere kudzadya, thangwi pyonsene pyamala kusa-sanywa.

—Luka 14:17

Thangwi atipulumusa mbati-chemera, towera tikhale a mbumba yache. Iye hadapichita tayu thangwi ya pyadidi pidachita ife. Nkhabe! Apichita thangwi ya udi-di wache ukulu ukhanyerezera iye kalene na kalene kutipasa pa pezi na Yezu Khristu.

—2 Timoti 1:9

Mbwenye anachita pyakuipa peno anakhonda kufuna mbale wache, si wa Mulungu tayu. Ndimmo mwene munadzindikira imwe ana a Mulungu na ana a dimoni.

—1 Juwau 3:10

Mbwenye anango antambira mbankhulupira. Enewa apabswa na iye mphambvu za kukhala ana a Mulungu.

—Juwau 1:12

Anthu onsene anatsogolerwa na Nzimu wa Mulungu mba ana a Mulungu. Lekani mphapo kugopabve Mulungu tayu. Thangwi Mulungu na kukupasani Nzimu wache, hadapangiza napyo tayu kuti ndimwe mabichu ache; apangiza napyo kuti ndimwe anache.

Thangwi ya kukhala chinchino na Nzimu wache, tinalonga kuli Mulungu: “Baba!” —Aroma 8:14, 15

Penepo munakhala akuchena na akusowa pyakuipa, mbamupangiza kuti ndimwe ana adidiretu a Mulungu pakati pa anthu apezzi na akuipa. Munayetima ninga nyenyezi na masiku.

—Afilipi 2:15

Thangwi ya ipyo iye alongambo: “Bulukani kwawo, pambukani na iwo, lekani kukhuya pinthu pyakukhondebswa tayu! Ine ndinakhala baba wanu, imwembo munakhala ananga amuna na akazi. Ndipyo pidalonga Mbuya wakukwanisa pyonsene.”

—2 Akorintu 6:17, 18

Nkhabe nensa kuona pinthu pinachita ale anatoweza pya munthu basi: kunyenga akazi, kuchita pyalukwali na pyaunyambi, kulambira alungu apezi na kuenda kuna nfiti, kukhala na malwa na nthonga na bibvu na ukali, kulonga bsweda, kugawanagawana na kusiyanasiyana, kupangiza ntsanje, kuledzera, kuchita maphwando a kumwa na pinthu pinango. Ndina kupangani pontho pidakupangani ine kale kuti anachita pinthu pyenepi, hanagumana mbuto ku Dziko ipswa ya Mulungu tayu.

—Agalasi 5:19-21

Mbatifambeni na makhaliro adidi ninga anthu anafamba na

masikati pa kwecha. Lekani kumala tayu ntsiku zathu na kuchita maphwando akudya na akumwa, na kuchita pyaupombo na pyalukwali, na kuchita nthonga na bibvu. Mbwenye bvalani moyo upswa wa Mbuyathu Yezu Khristu, mbamukhonda tsalakanadi pya manungo anu, gopa munakundwa napyo. —Aroma 13:13, 14

“Thangwi iye asankhulwa na Mulungu, towera achite mabasa makulu. Lye hanamwa vinyu tayu, nee anamwa pyakumwa pinango pyakuledzeresa tayu. Kuto mera kubalwa kwache Mulungu anandzalisa na Nzimu wache.”

—Luka 1:15

16 KUFUNISA MANINGA NKHABE KWANA TAYU

“ ‘Funa Mbuya Mulungu wako na ntima wako wonsene, na nzimu wako wonsene, na nzeru zako zonsene’. Awa ndiwo matongero makulu na akutoma kupita onsene.”

—Mateyu 22:37b, 38

Pikhafuna Yezu kuthimiza ulendo wache, penepo pene munthu anthamangira mbangodamira na mabvundziro awa: “Mpfundzisi wadidi, ndichitenji, towera nditambire moyo wakukhaliratu?” Yezu antawira: “Unalongeranjiki kuti ndine wadidi? Mulungu ngwadidi, iye ekha basi! Usadziwa matongero ache: leka kupha tayu, leka kuchita upombo tayu, leka kuba ta yu, leka kulonga

pyauthambi tayu, leka kupundza andzako tayu, lemedza babako na mako!” Munthu antawira: “Mpfundzisi, matongero awa onsene, ndaakoya kutomera uwana wanga.” Penepo Yezu amuyaŋgana na kufuna kwonsene mbati: “Chakusalira chinthu chi odzi basi: ndoko, ukagulise pyonsene pina iwe; pasa anyakucherenga kobiri! Tenepa unakhala na mpfuma kwa Mulungu kudzulu!” Na mafala awa munthu ule atutumubswa mbaenda na kutsukwala, thangwi akhakhala na pinthu pizinji.

—Marki 10:17-22

Adagumanyikana na Mwana wa Mulungu ndiye ana moyo wakukhaliratu.

—1 Juwau 5:12a

Lekani kukundwa tayu na malongerero apezzi. Onsene anachita pyakuipa pidalonga ine chinchino, anagwerwa na nyatwa za Mulungu. —Aefesu 5:6

Lekani kunyengeka tayu! Munthu nkhaba kusenzeka na Mulungu! Pinabzwala munthu ndipyo pyene pinabvuna iye. —Agalasi 6:7

Ndimwe mwonsene munapundzana munthu munthu na mbale wache ene! Mbwenye kumbukani kuti anthu anachita pyakuipa, hanakhala n'Dziko ipswa ya Mulungu tayu. Lekani kudodomeka tayu! Ndinakupangani pontho kuti nkhaba kupita n'Dziko ipswa ya

Mulungu anthu onsene anachita pyalukwali, analambira adzimunthu a alungu apezzi, anakakamira kobiri yawo, analedzera, anapambizira, na ale anapundza.

—1 Akorintu 6:9, 10

Lekani kunyengeka tayu na kubva fala yeneyi basi; makamaka chitani pinakupangani iyo.

—Yakobo 1:22

Anakuzika kupita ndzache nee matangwi, ananyengeka ekha.

—Agalasi 6:3

“Thangwi anthu azinji anachitika ninga ine mbalonga kuti ndiwo Khristu, mbanyengeza napyo and zawo maningi.” —Mateyu 24:5

Madawo apita pantsi pano thangwi ya munthu mbodzi ene; madawo abwera pabodzi na kufa. Na tenepa anthu ensene aphantwa na mphambvu za kufa, thangwi onsene adwa. —Aroma 5:12

Nyakutsandzaya ndi munthu anakhonda kungonja angayeserwa. Thangwi Mulungu anampasa nthimba yambiri, moyo waku-khonda mala udapikirira iye ale onsene ananfuna. —Yakobo 1:12

Kutsalakana pya munthu wache wakale kunapasa kufa, mbwenye kutsalakana pya Nzimu wa Mulungu kunapasa moyo na nten-dere. Munthu wathu wakale ndi nyamalwa wa Mulungu, hanabve-

ra mwambo wa Mulungu tayu, thangwi anachimwana kuubvera.

—Aroma 8:6, 7

“ ‘Mbwenye pinafunika kuti tisekere mbatichita phwando yakudya, thangwi mbale wako uyu akhadafa, chinchino alamuka pontho. Akhadataika, mbwenye chinchino ndangumana pontho.’ ”

—Luka 15:32

Thangwi muwoni unapabswa ife na madawo, nkhufo basi.

—Aroma 6:23a

Mwabwezeranji napyo? Munganyerezera mabasa anu akale, munakhala na manyadzo, thangwi muamalisira kupabswa kufa basi.

—Aroma 6:21

Mbwenye na kumulamusa muli akufa, Mulungu ene adzindikira kuti ndi Mwanache adapasa iye mphambvu zache. —Aroma 1:4

Pidamala iye kulonga mafala awa, akhuwa na mphambvu: “Lazaru, buluka panja!” Penepo pene nyakufa abuluka mu nthumbi! Akhadapyangirirwa na mithambo ya nguwo m’miyendo mwache na m’manja mwache, mbabvala nguwo mu nsolo mwache. Yezu apanga anthu: “Nsudzuleni, towera aende ku nyumba.”

—Juwau 11:43, 44

“Baba asandifuna, thangwi ndiri dzololo, towera kupreka moyo wanga mbandiupabswa pontho.

Nee munthu mbodzi anandipokosa moyo wanga. Ndinaupasa na kufuna kwanga kwene. Ndina mphambvu za kuupasa, ndinambo mphambvu za kuukwata pontho. Ndipyo pidandipanga Baba.”

—Juwau 10:17, 18

Anthu akhaikwata aimira. Yezu ati: “Mphalewe, ndinakupanga: lamuka!” Penepo pene nyakufa alamuka mbatoma kulonga.

—Luka 7:14, 15a

“Ine ndine nyamoyo. Ndikhali wakufa, mbwenye chinchino ndinakhala maso ntsiku zonsene zakukhaliratu. Ndina mphambu za kutonga kufa na dziko yache.”

—Chidziwiso 1:18

“Ndinakupasani chinchino matongero mapswa, matongero a kufunana: funanani sawasawa ninga ine ndakufunani!”

—Juwau 13:34

“Mpfundzisi, matongero makulu ene a mwambo mbapi?” Yezu antawira: “Funa Mbuya Mulungu wako na ntima wako wonsene, na nzimu wako wonsene, na nzeru zako zonsene’. Awa ndiwo matongero makulu na akutoma kupita onsene. Matongero achiwiri ndi sawasawa ninga akutoma: ‘Funa andzako ninga munafunikira iwe ne’. Pyonsene pinapfundzisa

mwambo wa Mozese na aprofeta, pyachepebswa m’matongero awa mawiri!”

—Mateyu 22:36-40

Yezu antawira: “Matongero makulu kakamwe mbawa: . . . Mbuya, Mulungu wathu, ndi Mbuya mbodzi ekha. Mphapo, funa Mbuya Mulungu wako na ntima wako wonsene, na nzimu wako wonsene, na nzeru zako zonsene, na mpambvu zako zonsene!’ Matongero achiwiri mbawa: ‘Funa andzako ninga munafunikira iwe ne!’ Nkhabe matongero makulu anango kupita mawiri awa.”

—Marki 12:29-31

KHAKE KUBISALA KUTI MULUNGU AKHONDE KUKUONA

21

Sawasawa pyonsene pidabisala chinchino, pinaoneka; pidakhonda anthu kudziwa, pinadziwibswa pa kwecha.

—Luka 8:17

“Mulungu ule analambira imwe nee kundziwa, ine ndinandziwisa chinchino pano kuli imwe! Mulungu adachita pinthu pyonsene na pyamoyo pyonsene, ndi Mbuya wa kudzulu na wa pantsi. Hana-khala m'matemplo tayu adamma-ngira anthu. Hanasowambo pinthu tayu pinanchitira anthu, thangwi ndiyene anaapasa moyo na pyonsene pyakuakhalisa na moyo. Pidachita iye munthu wakutoma, achita naye anthu onsene ana-

khala chinchino pantsi pano. Ndi-yembo adatonga kalene kuti anthu anakhala lini na kupi pantsi pano. Asafuna kuti anthu ansake mbayesera kungumana. Ndimomwenne, Mulungu ali duzi na ife tonsene; thangwi mwa iye tina moyo, tinachita pyathu mbatikhalikira. Ndipyo pyene pidalongambo anyanyimbo anu anango tenepa: ‘Tabalwa na Mulungu’ ”.

—Machitiro 17:24-28

Nkhabe chinthu chidabisala kuli Mulungu! Pyonsene pyaoneka pa kwecha pa maso pache. Ndiye anatongwa ife kutawirira pyathu.

—Aheberi 4:13

KUTONGWA KWA KUKHALIRATU CHA NYAKUKHONDA KUPEMBEZA

Mbwenye pantsi pano pachin-chino panakhala mpaka ntsiku idasankhulwa na Mulungu. Panafudziwa na moto ntsiku iyo inao-nebswa nyatwa mbafudziwa anthu onsene adakhonda kubvera Mulungu.

—2 Pedru 3:7

Nyatwa zinatongwa iwo kuona, ndi nyatwa za kupambulwa kuenta na kuenda pana Mbuya na pa mphambvu zache zambiri.

—2 Atesalonika 1:9

Dzanja yako peno mwendo wako ungakuipisa, upigwande, mbupitaya kunja. Mphyadidi kuli iwe kukhala kwa Mulungu na dzanja ibodzi peno na mwendo ubodzi ku-

pita kuponywa m'moto wakukhonda thima na manja mawiri peno na miyendo miwiri.

—Mateyu 18:8

Mwanamunthu anatuma aanju ache; enewa anabulusa pana Mulungu anthu onsene adadawisa andzawo, mbadawa okha ene. Aanju anaaponya mu ubvuni wa moto; mwenemo iwo analira mbakukuta mano.

—Mateyu 13:41, 42

“Na tenepa awa anenda ku nyatwa za kuenda na kuenda, mbwenye ale adachita pinafuna Mulungu, anenda ku moyo wakukhaliratu.”

—Mateyu 25:46

“Thangwi ntsiku ibodzi inadziwa iye aekha, anaitonga na ulinganiri miseru ya anthu onsene; anaitonga na munthu adasankhula iyene. Ndimonwenedi, thangwi amulamusa muli akufa, towera apangize anthu onsene kuti alonga pyamaso.” —Machitiro 17:31

Ipi pyonsene pinapangiza kuti Mulungu anapulumusani axamwali ache. Mbwenye onsene anachita pyakuipa, anaonebswa nyatwa ntsiku inatonga Mulungu miseru yawo. —2 Pedru 2:9

Thangwi ife tonsene tinatongwa kuoneka pa maso pa Khristu angatonga iye miseru ya anthu. Ntsiku iyo onsene anapabswa

munthu munthu pyache thangwi ya pyadidi, peno thangwi ya pyakuipa pidachita iye pantsi pano.

—2 Akorintu 5:10

Anthu onsene anafa munthu munthu kabodzi kene mbaoneka pa maso pa Mulungu anatonga miseru yache. —Aheberi 9:27

Ndaona anyakufa onsene, akulu na aŋgono, mbaimira patsogolo pa mpando. Penepo pafungulwa mabukhu analembwa mabasa onsene. Yafungulwambo bukhu inango, bukhu ya moyo, mbitongwa miseru ya anyakufa. Onsene abwezerwa munthu munthu pidachita iye ninga mudalembwa ipyo m'mabukhu. —Chidziwiso 20:12a

Musadziwa pidakuchitani Mbuyathu Yezu Khristu. Iye akhali wakupfuma; mbwenye achitika wakucherenga, towera akupfumiseni na kucherenga kwache.

—2 Akorintu 8:9

Mbatichiteni Mulungu takhuta thangwi ya muwoni wache wakhonda longeka na mafala.

—2 Akorintu 9:15

Mbwenye padabvirira madawo, penepo painjipiratu udidi wa Mulungu. Mphambvu za madawo zapangizika na kufa. Mbwenye mphambvu za udidi wa Mulungu zapangizika na moyo wakukhonda mala. Moyo wenewu, taupabswa na Mulungu adatilekera ma-

dawo athu thangwi ya Mbuyathu Yezu Khristu. —Aroma 5:20b, 21

Na mphambvu zikulu za kukunda anthu na mafala awo apostolo akhabvekesa kuti Yezu alamuka muli akufa. Mulungu akhaapasa onsene nkhombo na nkhombo.

—Machitiro 4:33

Thangvi pidatipasa Mulungu pa pezi na ule unango, mphyakusiyana na madawo a Adamu. Pisafunika kuti anthu onsene afe thangwi ya munthu mbodzi ene adakhonda kubvera Mulungu. Mbwenye thangwi ya munthu mbodzi ene, Yezu Khristu, Mulungu atipasa muwoni wa nkhombo zache zakupfumiratu. —Aroma 5:15

“Mulungu hananyerezerabve tayu pyaka pire pizinji pyonsene pikhakhonda anthu kundziwa; mbwenye chinchino anachemera anthu onsene a kwonsene kwene, towera asanduze makhaliro awo.”

—Machitiro 17:30

Nkhabe! Ndinakupangani kuti mungakhonda kusanduza makhaliro anu, imwe mwonsene muna-taika sawasawa ninga iwo.

—Luka 13:3

“Sawasawa, alonga Yezu, kud-zulu kwa Mulungu kusekera thangwi ya nyakudawa mbodzi ene anasanduza makhaliro ache, kuna-pita kusekera thangwi ya anthu makumapfemba na apfemba adidi

anasowa matangwi a kusanduza makhaliro awo.” —Luka 15:7

Pedru aatawira: “Sanduzani makhaliro anu, tambirani batis-mu! Penepo Mulungu anakuleke-rani madawo anu mbakupasani Nzimu wache. Sanduzani mphapo makhaliro anu, zungunukani kuna Mulungu, towera afudze madawo anu.”

—Machitiro 2:38; 3:19

Thangwi kutsukwala kunapiri-ra munthu ninga munafunira Mulungu, kunasanduza makhaliro ache, kunampulumusa mbakuk-honda kunchinyusa napyo. Mbwe-nye kutsukwala kunabva munthu na kusiribzwa napyo, kunampasa kufa.

—2 Akorintu 7:10

Yezu na kuona kukhulupira kwawo alonga kuli nyanfutete: “Iwe, madawiro ako alekerwa.”

—Marki 2:5

“Dziwani pyadidi kuti thangwi ya Yezu munapabswa kulekerwa kwa madawo. Mbamuikha pa nko-nokono wache, towera akhale mpulumusi na ntsogoleri. Tenepa Mulungu apasa Aisrayeli onsene ndzidzi wadidi wa kusanduza makhaliro awo na wa kupabswa kulekerwa kwa madawo awo.”

—Machitiro 13:38b; 5:31

“Bvani! Ndiri pa nsuwo mbandidimizira. Munthu angabvera fa-

la yanga mbandifungulira, ine ndinapita n’nyumba mwache, ndinadya na iye, iye anadya na ine.”

—Chidziwiso 3:20

“Mungalekera andzanu pyakui-pa pidakuchitani iwo, Baba wanu wakudzulu anakulekeranimbo madawo anu.”

—Mateyu 6:14

“Kubulukira Yerusalemu anthu a mbumba zonsene afokotobzwe na dzina yache kuti madawiro awo analekerwa angasanduza makhaliro awo.”

—Luka 24:47

Penepo Yezu ampanga: “Inembo sinakuonesa nyatwa tayu. Mbwe-nye kutsogolo leka kupichitabve!”

—Juwau 8:11b

Thangwi Mulungu apangiza udidi wache, towera kupulumusa anthu. Tinakakamibzwa mphapo kusiya makhaliro akuipa na kukhonda sirira pya pantsi pano, towera tikhale penepo anzeru na akulungama mbatisimba Mulungu.

—Titu 2:11, 12

Tsalakanani moyo wa kwa Mulungu. Lekani kutsalakana tayu pinthu pya pantsi pano.

—Akolose 3:2

Makamaka pangizani pa kwecha kuti iwo achita pyakuipa.

—Aefesu 5:11

Lekani kufuna tayu pantsi pano na pyonsene pinakupasani ipo. Anafuna pantsi pano, hanafuna

Baba tayu. Thangwi mphyANJI pinachitwa pantsi pano? Anthu a penepo asasaka pinakhutisa manungo basi, asasirira pinakomera maso, asagaya na kuona mphambvu zawo na pinthu pyawo. Pyonsenepi si pya Baba tayu, mphyA pantsi pano.

—1 Juwau 2:15, 16

Ndimwe ninga akazi aupombo anafuna anyamalwa a amunawo. Kodimwe, munadziwa tayu kuti anafuna pya pantsi pano, ndi nyamalwa wa Mulungu? Ndimu mwe ne, onsene anafuna kuphatana uxamwali na pya pantsi pano, anachitika anyamalwa a Mulungu.

—Yakobo 4:4

Musadziwa kuti Khristu hadachita pyakuipa tayu; thangwi ya ipyo munadziwambo kuti munthu munthu anachita pyadidi ndi mwana wa Mulungu. Tisadziwa kuti mwana wa Mulungu hana-chita pyakupa tayu. Mulungu ana-muonera, towera Satani akhonde kumuipisa. —1 Juwau 2:29; 5:18

Adagumanyikana na Khristu ndi munthu mupswa. Pikhakhala iye kale pyamala. Chinchino chatoma chinthu chipswa.

—2 Akorintu 5:17

Yezu antawira: “Ndimu mwene, ndinakupanga kuti munthu mbadzati kubalwa pontho, anachimwana kuona Dziko Ipswa ya Mulungu.”

—Juwau 3:3

Kalene anthu azinji a pa nsoka wanu akhachita pyonsenepi. Mbwenye chinchino ndimwe mbumba yadidiretu ya Mulungu; chinchino mwakoma kuli iye thangwi ya kugumanyikana kwanu na Mbuyathu Yezu Khristu na thangwi ya Nzimu wa Mulungu wathu udapabswa imwe. —1 Akorintu 6:11b

Thangwi ya fala yamaso na yakukhaliratu ya Mulungu mwabalwa kachiwiri mbamukhala ana a baba mbodzi ekha na wakukhonda kufa

—1 Pedru 1:23

Mbwenye ine ndabwera, towera mabira anga akhale na moyo, ande, moyo uzinji ene!

—Juwau 10:10b

KUFA KUNA KUDAWA — KULAMUKA MUNA KHRISTU

29

Kalene mukhali akufa thangwi ya kukhonda kwanu kumbvera Mulungu na thangwi ya madawo anu. Thangwi ya kugumanyikana kwathu na Yezu Khristu atilamu-sa ife pabodzi na iye, mbatikhalisa ku Dziko kwache ya kudzulu.

—Aefesu 2:1 na 6

Mwalamubswa pabodzi na Khristu na moyo upswa. Sakani mphapo pya kudzulu kunakhala Khristu! Kweneko Mulungu ampasa mbuto yambiri pa nkonoko-no wache. Tsalakanani moyo wa kwa Mulungu. Lekani kutsalakanayay pinthu pya pantsi pano. Chinchino mwafa. Moyo wanu wa-

nu wabisala pabodzi na Khristu mwa Mulungu. —Akolose 3:1-3

Thangwi ale a Khristu akhomeramayo yawo pa ntanda pabodzi na pinthu pyakuipa pyonsene pinasirira iwo. Nzimu wa Mulungu watipasa moyo upswa. Pinafunika mphapo kuti titoweze Nzimu wenewu m'pyonsene.

—Agalasi 5:24, 25

Sawasawa imwembo: m'pya madawo mwafa; mbwenye thangwi ya kugumanyikana kwanu na Khristu munakhalira maso Mulungu basi. —Aroma 6:11

Angakhulupira mphambvu zache basi, anabvuna pya kufa. Angatsogolerwa na Nzimu wa Mulungu, anabvuna moyo wakukhaliratu.
—Agalasi 6:8

“Ninga nyoka yasafuli yaikhwa na Mozese pa muti mu thando, tenepambo pinafunika kuti Mwanamunthu aikhwe n’dzulu, towera aapase moyo wakukhaliratu ale onsenene anankhulupira.”

—Juwau 3:14, 15

“Ndiwo moyo wakukhaliratu kuti anthu akudziweni imwe, Mulungu mbodzi kakamwe, mbadziwambo Yezu Khristu adatumwa na imwe.”
—Juwau 17:3

“Anakhulupira Mwana, ana moyo wakukhaliratu. Mbwenye anakhonda kubva Mwana, hanaona moyo wenewu tayu: makamaka anaona ukali wa Mulungu kuenda na kuenda.”
—Juwau 3:36

Mbwenye muwoni unatipasa Mulungu pa pezi na Mbuyathu Yezu Khristu, ndi moyo wakukhalala na kukhala.
—Aroma 6:23b

“Ndimu mwene, ndinakupangani kuti onsene anabva mafala anga mbakhulupira ule adandituma, anakhala maso kuenda na kuenda; hanatongwabve pa milando tayu, thangwi amala kubuluka muli akufa mbafika kale ku moyo wakukhonda mala.”
—Juwau 5:24

Mulungu na kupangiza kuti ndi-mwedi anache, atuma Nzimu wa Mwanache m'mitima mwanu. Ndiwo unakhuwa mwa ife, Baba!

—Agalasi 4:6

Nzimu wenewu wa Mulungu wagumanyikana na nzimu wathu mbulonga pabodzi na iwo kuti ndifedi ana a Mulungu.

—Aroma 8:16

Umboni wache Mulungu ngu-wu: Mulungu atipasa moyo waku-khaliratu; moyo wenewu, taupab-swa thangwi ya kugumanyikana kwathu na Mwanache. Adaguma-nyikana na Mwana wa Mulungu

ndiye ana moyo wakukhaliratu. Mbwenye anakhonda kugumanyi-kana na Mwana, hana moyo wa-kukhaliratu tayu. Ndakulemba-ra ipi, towera imwe munakhulupi-ra Mwana wa Mulungu, mudziwe kuti muna moyo wakukhaliratu.

—1 Juwau 5:11-13

Mulungu atipasa Nzimu wache. Thangwi ya ipyo tinadziwadi kuti ife tagumanyibzwa na iye, iyembo agumanyibzwa na ife.

—1 Juwau 4:13

Tingabvera Mulungu, tinapan-giza napyo kuti tisandziwa.

—1 Juwau 2:3

KHRISTU WAKUKHALA M'BWALO ASAPASA KUNSADZAYA

“Chinchino ndiri kudza kuna imwe. Ndiri kulonga ipi pyonsene mbandichiri pantsi pano, towera mitima yawo idzale na kusekera kubodzi kwene kuna ine.”

—Juwau 17:13

Mbwenye ndingakuonani pontho, ntima wanu unadzala na kusekera. Nee munthu mbodzi anakwanisa kukupokosani kusekera kweneko!

—Juwau 16:22b

Thangwi Umambo wache Mulungu unasasanya iye pakati pa ife, si pyakudya na pyakumwa tayu, mbwenye ndi kuchita pinafuna Mulungu; ndi kukhala na

ntendere na Mulungu; ndi kukhalambo na kusekera kule kunapabswa na Nzimu wache.

—Aroma 14:17

Thangwi ya ipyo ine sinakhala-bve; anakhala mwa ine, ndi Khristu ene. Mbandikhala pantsi pano, ndinakhalapo thangwi ya kunkhulupira kwanga Mwana wa Mulungu adandipangiza kundifuna kwache mbandipasa moyo wache. Sinapwaza nkhombo za Mulungu tayu!

—Agalasi 2:20

Musafuna Yezu Khristu mbamudzati kumuona. Musankhulupira nee kumuona chinchino.

—1 Pedru 1:8

Nkhabe! Musadziwa kuti mungangonja, towera mukhale mabichu, munatongwambo kubveradi mbuya anatumikira imwe: peno madawo, peno Mulungu. Mungatumikira madawo, munafa; mungabvera Mulungu, munakoma kuli iye.

—Aroma 6:16

Thangwi anatambirwa na Mulungu, si ale tayu anadziwa mwambo, mbwenye ale basi analinganiza nawo makhaliro awo.

—Aroma 2:13

Mbwenye imwe munaona nyatwa chinchino, Mulungu anakupulumusani pabodzi na ife mu nyatwa zonsene. Ipi pinachitwa,

Mbuya Yezu angatchitha kudzulu pabodzi na aanju ache amphambvu mbaonekera anthu onsene. Anabwera na malirimi a moto dzaaonesa nyatwa ale onsene anakhonda lemedza Mulungu mba khonda kubvera Mphangwa Zadi di za Yezu. Nyatwa zinatongwa iwo kuona, ndi nyatwa za kupambulwa kuenda na kuenda pana Mbuya na pa mphambvu zache zambiri.

—2 Atesalonika 1:7-9

“Anyakutsandzaya mbale onsene anafula nguwo zawo. Anakhala na ufulu wa kudya nsapo wa muti wamoyo na wa kupita na pa misuwo mu nzinda.”

—Chidziwiso 22:14

Onsene mbabvekese kuti Yezu Khristu ndi Mbuya, towera Mulungu apabswe mbiri. —Afilipi 2:11

“Anabvekese pa maso pa anthu kuti ndiye nyakupfundza wanga, inembo ndinabvekese pa maso pa Baba wanga wa kudzulu kuti ndi nyakupfundza wanga. Mbwenye analonga kuli anthu kuti hanandiziwa tayu, inembo ndinalonga kuli Baba wanga wa kudzulu kuti sinandiziwa tayu!”

—Mateyu 10:32, 33

Mungalonga na mulomo pa kwecha kuti Yezu ndi Mbuya, mungakhulupirambo na ntima wanu kuti Mulungu amulamusa muli akufa, munapulumubswa. Ana-

khulupira na ntima wache, anambirwa na Mulungu; anapilonga pa kwecha na mulomo wache, anapulumubswa. —Aroma 10:9, 10

Anadzindikira kuti Yezu ndi Mwana wa Mulungu, ana Mulungu mwa iye mbakhala iyembo mwa Mulungu. —1 Juwau 4:15

Anakhonda Mwana ndiyembo anakhonda kukhala wakuguman-yibzwa na Baba Mbwenye anabvera Mwana ndiyembo adagumanyikana na Baba. —1 Juwau 2:23

“Anandikhonda ine na Mphan-gwa zanga, Mwanamunthu anankhondambo angabwera na mbiri yache, na mbirimbo ya Babache na ya aanju adidi.” —Luka 9:26

Nyamalwa wanu dimoni ali kuzungulirazungulira nkumbi ninga nkhalamu yanjala inabangula mbisaka chakudya. Angakugwerani, wangisani na kukhulupira Mulungu. —1 Pedru 5:8, 9a

Pa kumalisa, wangani thangwi ya kugumanyikana kwanu na Mbuya! Wangisikani na mphambvu zache. Bvalani pyankhondo pinakupasani Mulungu; penepo manyengerero onsene a dimoni nkhaba kukuipisani.

—Aefesu 6:10, 11

Buluka penepo Nzimu wa Mulungu waendesa Yezu ku thando, towera ayeserwe na dimoni. Pene-

po Yezu antawira: “Choka, sata-ni! Thangwi pyalembwa: ‘Gwera pantsi Mbuya Mulungu wako mbamulambira iye ekha ene basi!’” Penepo dimoni ansiya, mbawera aanju dzantumikira.

—Mateyu 4:1 na 10, 11

Pingamala ipyo kuchitwa, Nyamalwa wa Mulungu anapangizika. Mbwenye Mbuya Yezu anamupha na muya wa n’kanwa mwache; ananfudza na kuonekera kwache kwene. Nyamalwa wa Mulungu anabwera na mphambvu za Satani, anachita mabasa akudzumisa, mbanyengeza anthu na pidzindikiro pyapezi na pirengo pyapezi.

—2 Atesalonika 2:8, 9

Ana enewa ndi anthu ana manu-ngo a nyama na a chiropa. Thangwi ya ipyo Yezu achitika munthu ninga iwo, towera na kufa kwache afudze dimoni ana mpha-mbvu za kupha. —Aheberi 2:14

Anakhonda kusiya pyakuipa, ngwa dimoni, thangwi dimoni achita pyakuipa kutomera kale na kale. Mbwenye Mwana wa Mulungu abwera pantsi pano, towera kufudza pidachita dimoni.

—1 Juwau 3:8

“ ‘Unaafungula maso, towera abuluke n’chidima mbadza ku cheza, towerambo abuluke m’mpha-mbvu za Satani mbadza kuna Mulungu. Thangwi angandikhu-

lupira ine, analekerwa madawo awo mbatambirwambo pakati pa anthu adasankhulwa na Mulungu.’ ” —Machitiro 26:18

Mbani mphapo anatisiyanisa na Khristu na kutifuna kwache? Penokuona nyatwa na kutsukwala? Penokutchingwa, na kubva njala, na kucherenga? Penopyakugopswa na pyakufa? Mbwenye pyonsenepi, tinapikunda na uphedzi wa ule adatipangiza kutifuna kwache. —Aroma 8:35 na 37

Thangwi ya ipyo mungonjere Mulungu. Muumire Satani, iye anakuthawani. Mufendezere Mulungu, Mulungu anakufendezera-ni. —Yakobo 4:7, 8a

KUFUNA KUSAONESA UNKHRISTAU WENE — WENE

37

Ndingalonga malongero onsene a anthu na a aanju ene, mbwenye mbandidakhonda funa Mulungu na andzanga, ndinakhala ninga ñgoma yakulira, peno ninga chingalingali chakulira basi.

—1 Akorintu 13:1

Mbwenye misapo inabalwa na Nzimu wa Mulungu ndiyo: kufuna andzako, kusekera, ntendere, kupirira, kukoma ntima, udidi, kukhulupirika, kupfulika na kudzitonga. Anakhala na pinthu pyenepi, hanapokanyana na pya mwambo tayu!

—Agalasi 5:22, 23

Analonga kuti asafuna Mulungu mbatchinga mbale wache, ndi

nyauthambi. Thangwi angakhonda kufuna mbale wache anaona iye, anakwanisa tani kufuna Mulungu anakhonda iye kuona?

—1 Juwau 4:20

“Mungafunana, anthu onsene anadzindikira kuti ndimwe anyakupfundza anga.”

—Juwau 13:35

Tisadziwa kuti tasiya kufa mba-tipita m'moyo upswa. Tisapidziwa, thangwi tisafuna abale athu.

—1 Juwau 3:14

Kunfuna Mulungu kunapangizika tingachita pinafuna iye; kuchita ipi kunanensa tayu.

—1 Juwau 5:3

Ife ndife amboni a pyonsene pidachita iye ku dziko ya Ayuda na ku Yerusalemu. Ayuda ankho-mera pa ntanda, mbwenye n'ku-cha mwache Mulungu amulamusa muli akufa mbampasa mphambvu za kupangizika maso ene. Iye ha-daonekera kuli anthu onsene ta-yu; aonekera kuli ife basi, thangwi Mulungu akhadatisankhula kale, towera tikhale amboni ache. Pida-mala iye Kulamuka muli akufa, tadya mbatimwa na iye.

—Machitiro 10:39-41

Pidamala sumana ibodzi, anyakupfundza akhadasonkhana pon-tho nkati mwa nyumba; Tomasi akhalimbo pabodzi nawo. Misuwo

ikhadafungwa na mipiringanyo. Mbwenye kabodzi na kabodzi Ye-zu aoneka mbaimira pakati pawo, mbati: “Ntendere ukhale na im-we.” Penepo azungunukira Toma-si na mafala awa: “Yañgana man-ja anga, akhuye na chala chako! Bwera na dzanja yako, iikhe n'chi-ronda cha khundu yanga! Leka kupenula pontho tayu, mbwenye tawira kuti ndine pano!” Tomasi alonga: “Mbuya wanga na Mulun-gu wanga!” —Juwau 20:26-28

Pikhafunika kuti Yezu afe, towera kufudza madawo athu. Mbwenye Mulungu amulamusa pontho, towera ife tikome kuli iye.

—Aroma 4:25

KULAMUKAPOTHO MULI AKUFA, CHIBALANGAZO CHATHU CHADIDI

39

Lekani kudzuma napyo tayu! Thangwi iri kudza ntsiku inabva anyakufa onsene fala yache mu nthumbi mwawo, mbabuluka mu ntumbi mwawo. Penepo ale adachita pyadidi, analamuka, towera aone moyo. Mbwenye adachita pyakuipa, analamuka, towera aone anyatwa.” —Juwau 5:28, 29

Kodimwe, munadziwa tayu kuti na batismu ife tonsene taguman-yikana na Khristu? Mbwenye na kugumanyikana na iye, taguman-yibzwambo na kufa kwache! Pida-batizarwi ife, tafa mbatiikhwa pa-bodzi na Khristu. Mbwenye sawa-

sawa ninga mudalamusirwa Khristu muli akufa na mphambvu za kudzumisa za Mulungu Baba, tenepambo ife tapabswa pontho moyo upswa. —Aroma 6:3-4

Khristu angaphata basa mwa imwe, manungo anu anafa thangwi ya madawo anu; mbwenye Nzimu unakupasani moyo, thangwi Mulungu akutambirani. Ungakhala mphapo mwa imwe Nzimu wa Mulungu adalamusa Yezu muli akufa, Mulungu na mphambvu za Nzimu wache unakhala mwa imwe, anaapasambo manungo anu akufa moyo upswa.

—Aroma 8:10, 11

Axamwali anga akufunika, pyonsenepi pidapikira Mulungu, mphyathu. Ticheneseke mphapo m'pyonsene pidapswipisa manungo athu na nzimu wathu, mbatigopera Mulungu na kukhala anthu ache adidiretu. —2 Akorintu 7:1

Abale, tinamwe mafala anango pañgono! Mwapfundzibswa na ife kuti munakhala tani, towera mukome kuli Mulungu. Ndimwene, makhaliro anu mbadidi. Mbwenye na ipyo tinakudembeterani maningi na dzina ya Mbuya Yezu Khristu kuti muthimize kukomesa makhaliro anu. Musadziwa pidakupangani ife na mphambvu za Mbuya Yezu. Mulungu anafuna

kuti mupasike kuna iye na moyo wanu wonsene. Khalani mphapo kutali na pyalukwali pyonsene. Imwe, amuna dziwani kukhala munthu munthu na nkazache ninga munakomera ipyo kuli Mulungu na kuli anthu. Mulungu hadatichemera tayu, towera tisake pyaunyambi. Atichemera, towera timpase mbiri na makhaliro athu adidi. —1 Atesalonika 4:1-4 na 7

Makamaka pangizani na makhaliro anu onsene kuti ndimwe adidiretu; thangwi Mulungu adakuchemerani, ngwadidiretu. Iye alonga: “Khalani adidiretu, thangwi ine ndine wadidiretu.”

—1 Pedru 1:15, 16

Ande, Mulungu mbadzati kuchita pinthu pyonsene, atisankhula kale mwa Khristu, towera tikhale pa maso pache mbumba yache yadidiretu na yakusowa pyakuipa. Bvalani munthu mupswa adachita Mulungu mbalandana na iye. Penepo munakhaladi akulungama na adidiretu ninga munafunira iye. —Aefesu 1:4; 4:24

Mbwenye tingabweka madawo athu, tinakhulupira kuti Mulungu anachita pidapikira iye: anatilekera madawo athu mbatichenesa m'pyakuipa pyonsene. —1 Juwau 1:9

Pyonsenepi pingamala tenepa, pinafunika kuti mukhale anthu anadziwa pinafuna iwo kuchita:

tumikirani Mulungu na makhaliro adidi kakamwe. —2 Pedru 3:11

Sakani kupfulika na anthu onsene; yeserani kukhala adidiretu. Anakhonda kukhala adidiretu, hanaona Mulunga tayu.

—Aheberi 12:14

Sawasawa Yesu afa kunja kwa nzinda, towera na chiropa chache aichenese mbumba m'madawo ache.

—Aheberi 13:12

“Thangwi abvunulira mbumba yache mbaipulumusa. Anatipulumusa m'manja mwa anyamalwa athu, towera tintumikire nee kugopa ntsiku zathu zonsene, mbatikhala anthu ache anachita pinakoma kuli iye.” —Luka 1:68b na 74, 75

“Thangwi na kuipa kwanu kwonsene musadziwa kupasa ananu pinthu pyadidi. Makamaka Baba wa kudzulu anaapasa Nzimu wache ale anamphemba!”

—Luka 11:13

Mudamalisa iwo maphembero awo, penepo pene yatekenyeka nyumba ikhadasonkhana iwo; onsene adzalibswa na Nzimu wa Mulungu mbatoma kubvekesa Mphangwa zache na chipapo chonsene.

—Machitiro 4:31

Mbwenye imwe munachitabve pinafuna imwe basi tayu; makamaka munachita pinakupangani Nzimu, thangwi Nzimu wa Mulungu usakhala na imwe. Anaso-

wa Nzimu unapabswa na Khristu, si wa Khristu tayu. —Aroma 8:9

“Mbwenye imwe munadzalibswa na Nzimu wa Mulungu unakupasani mphambvu za kukhala amboni anga kwonsene kwene.”

—Machitiro 1:8a

Thangwi Barinaba akhali munthu wadidi ene, wakudzala na Nzimu wa Mulungu na wakutawiradi.

—Machitiro 11:24a

Akristu a ku Antyokiya akhadadzala na kusekera na Nzimu wa Mulungu.

—Machitiro 13:52

Lekani kumwa pizinji tayu; anamwa vinyu maningi, anafudzika ekha basi.

—Aefesu 5:18

MAPANGANO AKUDZUDZUMI SA KUNA ANKHRISTAU

43

“Mungakwanisa?”, abvundza Yezu. “Pyonsene mphyakukwani-sika na munthu wakukhulupira!”
—Marki 9:23

“Lekani kuduwala tayu kuti ine ndinakhala na imwe ntsiku zonse ne mpaka kumala kwa pantsi pano!”
—Mateyu 28:20b

“Anapukuta misozi yonsene m’maso mwawo. Kufa kunaoneka pontho tayu, nee kutsukwala, nee kubulira, nee kupha. Pikhakhala kale pyamala.” —Chidziwiso 21:4

Axamwali anga, lekani kudzu-ma tayu na nyatwa zakuuma zina-yeserwa na imwe, ninga pinakugwerani ndi chinthu chakudzudzu-

ma. Makamaka sekerani, thangwi tenepa munapangizika andzache Khristu adaona nyatwa zikulu. Tenepambo munasekera pikulu pyene, angabwera iye mu mbiri mwache.
—1 Pedru 4:12, 13

“Tomani makamaka kutsalaka-na pya Umambo wa Mulungu na pinafuna iye. Mungachita tenepa, pinango pyonsene, munapipab-swambo!”
—Mateyu 6:33

Pirirani mphapo mbama zina-kupasani Mulungu. Ipi pinapangi-za kuti ndimwe anache. Nkhabe baba anakhonda kulera anache nee kumuonesha nyatwa.
—Aheberi 12:7

Thangwi ya nyatwa zidaona iye, anakwanisa chinchino kuphedza anthu anayeserwa ninga iye.

—Aheberi 2:18

Penepo Mulungu wa ntendere anakupasani nsangasanga kuti mukunde Satani mbamumponda na manyalo anu. —Aroma 16:20a

Manyengerero onsene adaona ife mpaka chinchino, ndi sawasawa ninga munaonera anthu anango onsene. Mbwenye Mulungu anachita pidapikira iye, mbakhonda tawirisa kuti munyengererwe kupita mphambvu zanu. Angakuyeserani, anakupasanimo mphambvu za kupikunda.

—1 Akorintu 10:13

Nyakutsandzaya ndi munthu anakhonda kungonja angayeserwa. Thangwi Mulungu anampasa nthimba yambiri, moyo wakukhonda mala udapikirira iye ale onsene ananfuna.

—Yakobo 1:12

Tisadziwa kuti munthu angafuna Mulungu, anaphebwazwa m'pyonsene, towera amalise basa idanchemerera Mulungu ninga mudatongera iye kalene. —Aroma 8:28

Iye siye munthu tayu anakhonda kutitsalakana ife, anthu akusowa mphambvu. Nkhabe! Nyantsembe wathu wankulu kakamwe ayeserwa m'pyonsene sawasawa ninga ife, mbwenye iye hadadawa tayu.

—Aheberi 4:15

“Onsene anakunda pa nkhondo, anapabswa muwoni wenewu; ine ndinakhala Mulungu wawo, iwo anakhala ana anga.”

—Chidziwiso 21:7

“Onsene anakunda, ndinaachita matchikwa a n'templo ya Mulungu wanga munakhala iwo kuenda na kuenda. Ndinaaalemba na dzi-na ya Mulungu wanga. Nzinda wenewo ndi Yerusalemu upswa unabuluka kwa Mulungu kudzulu mbutchitha pantsi. Ndinaaalemba rambo na dzina yanga ipswa.”

—Chidziwiso 3:12

“Onsene anakunda, anabvala nguwo zakuchena. Ine sinafudza

madzina awo m'bukhu yamoyo tayu. Mbwenye pa maso pa Baba wanga na pa aanju ache a kudzulu ndinabvekesa pa kwecha kuti ndiwo anga.”

—Chidziwiso 3:5

“Onsene anakunda, ndinaapasa mphambvu za kukhala pabodzi na ine pa mpando wanga sawasawa ninga ine ndakunda mbandikhala na Baba wanga pa mpando wache.”

—Chidziwiso 3:21

“Ana makutu, mbabvere pina-longa Nzimu kuli misoka ya akristu! Onsene anakunda, ndinaapasa mphambu za kudya pya muti wamoyo unakhala n'tapada ya Mulungu.”

—Chidziwiso 2:7

46 MULUNGU ASALONGA NA IFE PYAKULEKA NA

“Mamuna angamwalana na nkazache mbapitisa unango n’nyumba mwache, anachita upombo. Sawasawa mamuna angachita banja na nkazi adamwalana na mamunache, anachita upombo.”

—Luka 16:18

Kuli anthu adachita kale banja ndinalonga kuti nkazi akhondebswa kusiya mamunache. Ndi matongero adapabswa na Mbuya ene; si matongero anga basi tayu. Mbwenye nkazi angamwanzana na mamunache, anatongwa kukhala ekhene, peno anatongwa kusekerana pontho na mamuna-

che. Sawasawa mamuna akhondebswa kusiya nkazache. Nkazi anatongwa kukhala na mamunache mbali maso. Mbwenye mamunache angamala kufa, nkazi angafuna, achite pontho banja na mamuna unango; pinafunika kuti mamuna akhale nkristu basi.

—1 Akorintu 7:10, 11 na 39

“Mbwenye ine ndinakupangani kuti mamuna anamwala nkazache adakhonda kuchita upombo, ankhalisa nyaupombo angachita pontho banja na mamuna unango; mamunambo ule anachita upombo angampitisa n’nyumba mwache!”

—Mateyu 5:32

“Penepo chidzindikiro cha Mwanamunthu chinaoneka kudzulu. Madzindza onsene a pantsi pano anabulira angaona Mwanamunthu mbadza pa makole a kudzulu na mphambvu zikulu, na mbiri za Mulungu.”

—Mateyu 24:30

“Anthu anakhala na imwe, apasa Mulungu nkhodolo. Anandikhonda ine na Mphangwa zanga pa maso pawo, ule, Mwanamunthu anadzankhondambo angabwera na mbiri ya Babache pabodzi na aanju ache adidi.”

—Marki 8:38

Axamwali anga akufunika, chinchino ndife ana a Mulungu. Pinadzakhala ife kutsogolo pidzati

kuoneka tayu. Mbwenye tisadziwa kuti Khristu angabwera, tinakhala na iye; thangwi tinamuona sawasawa ninga munakhallira iye. Munthu munthu anadikhira ipi na kunkhulupira Khristu, anakhala kutali na pyakuipa sawasawa ninga mudachitira Khristu.

—1 Juwau 3:2, 3

“Ndingamala, ndinabwera pontho mbandikukwatani, towera imwembo mukhalepo panakhala ine.”

—Juwau 14:3

“Sawasawa imwembo, khalani dzololo midzidzi yonsene, thangwi Mwanamunthu anabwera penepo pene panakhonda imwe kundikhira!”

—Luka 12:40

48 MAFALA A MULUNGU

“Kudzulu na pantsi panafudziwa, mbwenye mafala anga nkhaba.”
—Luka 21:33

Thangwi aprofeta hadapasa mphanhwa na dzina yawo tayu. Nkhabe! Iwo aphatiwa na Nzimu wa Mulungu mbalonga pidaalongesa Mulungu.
—2 Pedru 1:21

Pyonsene pidalembwa m’bukhu ya Mulungu, mphyamba Nzimu wache mbapiphedza kupfundzisa pyamaso, kupangiza pyapezi, kusan-duza pyakuipa na kudziwisa makhaliro akukoma kuli Mulungu.
—2 Timoti 3:16

KUMPHEMBERA NA KULEKELERWA

“Mbwenye phemberani tenepa: Baba wathu wakudzulu, ndimwe wadidiretu; anthu onsene akusimbeni. Ndimwe mambo; bwerani dzakhala mambo wathu. Pinafuna imwe mbapichitwe pantsi pano ninga kudzulu. Tipaseni lero pinatikhalisa moyo. Tilekereni madawo athu ninga ifembo tinalekera andzathu madawo awo. Lekani kutiyesera tayu, mbwenye tipulumuseni m’pyakuipa. [Thangwi umambo na mphambvu na mbiri mphyanu pa kukhaliratu. Amen.] Mungalekera andzanu pyakuipa pidakuchitani iwo, Baba wanu wakudzulu anakulekeranimbo madawo anu.”
—Mateyu 6:9-14

NJIRA YA MULUNGU YA CHIPULUMUSO

Ndisafuna Mpulumusi.

Onsene adawa mbataya pya mbiri ya Mulungu pikhadasankhulirwa iwo. —Aroma 3:23

Khristu adafa thangwi ya ine.

Nyerezerani Khristu adafa kabodzi thangwi ya madawo a anthu onsene. Ande, Khristu adakhonda kudawa, afera anyakudawa! —1 Pedru 3:18a

Ndisafuna kubweka kudawa kwanga.

Sanduzani mphapo makhaliro anu, zungunukani kuna Mulungu. —Machitiro 3:19a

Ndisafuna kutambiba Yezu na kunyinda.

Mbwenye anango antambira

mbankhulupira. Enewa apabswa na iye mphambvu za kukhala ana a Mulungu. —Juwau 1:12

Ndisafunisa thangwi ya chidulumuso changa.

Adagumanyikana na Mwana wa Mulungu ndiye ana moyo wakukhaliratu. —1 Juwau 5:12a

Ndimu mwene, ndinakupangani kuti onsene anabva mafala anga mbakhulupira ule adandituma, anakhala maso kuenda na kuenda; hanatongwabve pa milando tayu, thangwi amala kubuluka muli akufa mbafika kale ku moyo wakukhonda mala. —Juwau 5:24

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org



Read booklets online or by App
www.wmp-readonline.org